



UNIVERSITÄTS-
BIBLIOTHEK
PADERBORN

Universitätsbibliothek Paderborn

Johannis Meyeri S. Literarum Doct. & Prof. Uxor Christiana Sive De Conjugio Inter Duos Deque Incestu Et Divortiis, Dissertationes Tres

Meier, Johannes

Amstelædami, 1688

Cap. II. Præcipuorum terminorum, quorum in hac materia frequens usus,
Evolutio, & totius Dissertationis distributio.

urn:nbn:de:hbz:466:1-40272

CAETERISQUE NUPTIIS ILLICITIS. II

Si observabitis statuta mea, & iudicia mea, homo qui fecerit ea, vivet in eis, ego Jehovah. q. d. Opera terræ Ægypti hominem ad excidium ducent, & opera terræ Canaan ad interitum, sed præcepta mea & leges meæ ad vitam æternam. Pollicetur obedientibus vitam, non modo corporalem, uti in quinto Decalogi præcepto & sæpissime in lege, sed præcipue vitam aliam, quæ majoris momenti, & non in unione animæ cum corpore, sed in unione & communione animæ cum Deo & fruitione ejus consistit, quam consequitur summa beatitudo, de qua vita Apostolus Eph. iv. 18. Tit. i. 2. qua caruerunt gentiles. Onkelos vertit עלמא עולמא וחי בהון בחיי עלמא *vivet in illis vitam æternam.* R. Salomoh הכא לעולם הבא *in futuro seculo.* Aben Esra עלמות בשני עולמות *in duobus seculis.* Rabbi Bechai in Legem fol. 140. 2. *Quatuor vite species recenset.* 1. *vitam corpoream, dum anima hominum corpori juncta manet.* 2. *vitam restituta post morbum valetudinis.* 3. *חיים של חיים.* 4. *חיים אחר חיים.* 5. *vitam remissionis peccatorum, post resipiscentiam.* 6. *חיים אחר חיים.* 7. *vitam post mortem in resurrectione mortuorum.* Quibus recensitis addit: *וד מיני חיים אלו נכללים במלה וחי בהם & quatuor illa species vite vocibus istis, vivet in eis, comprehensa sunt.*

XIX. Non minus eleganter R. Menachem Raky. in Legem fol. 144. 2. שכר המצות בהאי עלמא ליכא רק לאחור פטירת הצדיק יכנס למלכות הנקרה גן ומקביל פני שכינה ושם תעמודנה כל הנשמות כל אחת כפי מעשיו עד תחיית המתים ויום הדין ואחריכּן יוכו הזוכים לחיי העולם הבא שהוא הגמול האחרון *Merces præceptorum in hoc seculo non est, sed post discessum ex hac vita justus regnum ingreditur, quod vocatur Paradisus, & recipit faciem Schechina, ibique manent omnes & singule anime usque ad vivificationem mortuorum, & postea vitam æternam consequuntur, qua ultima remuneratio est.* Hactenus ille. *Non potest de vita hujus seculi intelligi, inquit Abarbenel, quia gentes per sua statuta etiam vivunt.*

CAPUT II.

Præceptorum terminorum, quorum in hac materia frequens usus, Evolutio, & totius Dissertationis Distributio.

E Narrata Præfatione & generali prohibitione, atque exhibitis Ægyptiorum ac Cananæorum, circa res matrimoniales, moribus & statutis, quibus summus Legislatoꝝ populo suo interdixit,

dixit, consequens est, ut rem ipsam aggrediamur, & propinquitates, Sponsalia atque Nuptias, quibus duobus gradibus matrimonium perficitur, impediētes videamus. Missa autem *Propinquitate* legali ex adoptione, & spiritali ex compaternitate, solam naturalem, quæ veri nominis propinquitas est, expendemus, de qua Moses in Levitico, quæ vel est ex carnis propagatione, unde consanguinitas, vel ex carnis copulatione, unde affinitas oritur.

II. Neque hic indagari operæ pretium est, utra graduum propinquitatis supputatio, civilis & juridica, an Canonica & Pontificia, sit præferenda, & in nuptiis observanda, quum & in Canonica, quam sequuntur Mentzerus, Chemnitius, J. Gerhardus & Ben. Carpzovius, & in Civili, cujus partes propugnant Beza, Zeppeus, Hafenrefferus & alii, circa consanguinitatis & affinitatis materiam, insignes deprehendantur errores, nec hodie Doctores præcise Jus Civile aut Canonicum sequantur. Sufficere nobis potest Legislatio divina, in qua nihil omissum arbitramur, si ad similes personas ac æquales gradus extendatur, ad quas extendenda est, præeunte Scriptura, cui soli ut plenissimæ insistere consultius judicamus.

III. Priusquam autem ad Legum divinarum interpretationem nos accingamus, non incongruum erit pauca de terminis, quorum cognitio maxime necessaria est, præfari. Sciendum enim est, quid sit Incestus, quid Consanguinitas & Cognatio, quid Affinitas, quid Gradus & Linea, recta, collateralis, æqualis, inæqualis. *Incestus* est, si quis matrimonium cum persona consanguinitate vel affinitate juncta, intra gradus Lege Dei prohibitos, contrahit. *Consanguinitas* inter eos est, qui ab uno communi parente prognati sanguinis necessitate invicem junguntur, & gradibus atque lineis discernuntur; juxta Canonum Doctores, est vinculum personarum, ab eodem stirpite descendentium, carnali propagatione contractum. Synonymum vocabulum est συγγένεια i. e. *Cognatio* latiore significato sumpta; cum, stricte accepta voce, cognati sint consanguinei ex linea foeminea, opposite dicti ad agnatos, qui sunt ex linea masculina. *Affinitas* secundum Canonistas est personarum proximitas ex coitu proveniens, omni carens parentela; sive est vinculum certarum personarum novis nuptiis contractum, cum conjugis unius consanguinei alteri conjugii affines fiunt.

IV. *Gradus* est intervallum, quo cognoscitur, quæ persona stirpiti pro-

propior sit; sive est series generationum, seu distantia personarum, singulis generationibus propagatarum. Supputatio secundum jus civile tot gradus constituit, quot sunt personæ in linea recta & collateralis, dempto stipite, sed secundum jus Canonicum, in linea collateralis non numerat singulas personas, sed duas personas pro uno gradu connumerat; & sic fratres ac sorores v. gr. secundum jus Canonicum se attingunt in gradu primo, sed secundum jus Civile in gradu secundo. An Levit. xvi. tantum prohibitio personarum, non graduum contineatur, postea disquirendum.

V. *Linea* est, per quam ordines cognatorum describuntur; sive est series graduum, eaque vel *recta*, ascendentium & descendendum, sicut Matth. i. & Luc. iii. ejusmodi ordines exhibentur; vel *transversa* seu *collateralis* eorum, qui nobis a latere, ratione ejusdem stipitis & sanguinis conjuncti sunt. Hæcque iterum æqualis & personarum æqualiter a communi stipite distantium, quales sunt fratres & sorores; & *inequalis*, personarum inæqualiter a communi stipite distantium, ut Abraham & Loth a Thare. Alios terminos & appellationes, nec non vocabulorum significationes, variasque definitiones & divisiones, de quibus abunde Beza, Mentzerus, Gerhardus, Brouwer, atque alii Theologi ac Jurisconfulti, sicco pede præterimus, ne actum agere videamur.

VI. Enumeratis ergo potioribus terminis, quibus Doctores in hoc argumento uti solent, sequitur totius de Incestu ac illicitis nuptiis Dissertationis nostræ distributio, juxta seriem, quæ occurrit octavo decimo & vigesimo Levitici capitibus. Ubi I. datur Graduum prohibitio, & prohibitionis ampliatio & extensio, inde a com. 6. usque ad 18. exclusive. Huic prohibitionis expositioni non incongruum erit subnectere Hebræorum tam Karæorum, quam Traditionalium consensum & dissensum, nec non diversas Christianorum opiniones examinare de personis & gradibus prohibitis. II. Prohibitionis ratio & conditio perpendenda, cur summus Legislator hæc personas copulari & conjungi noluerit, & utrum hæc leges naturales sint sive morales & per consequens indispensabiles, an vero forenses tantum Judaicæ & dispensabiles. III. Paucis adjungenda est reliquarum illicitarum nuptiarum prohibitio, binis istis capitibus Levitici contenta, Cap. xvi. 18. & seqq. Cap. xx. 10. 13. 15. 16. 18. IV. Denique sequetur Poena prohibitionibus illis annexa Lev. xx.

VII. Vocabulorum & phrasium, quibus Moses utitur, expositione hic supersedebimus, cum commodius quæque suis locis declarari possint, verbi gratia, quid sit שאר quod vertitur *propinquus*, בשר *caro*, ערוה *nuditas* Cap. xviii. 6. quid אב *nuditas patris* com. 7. אב *uxor patris* com. 8. או *בת* או *בת אם* מולדה *בת או* או *בת אם* מולדה *חויז מולדה* אב *filia patris, aut filia matris, nata domi, aut nata foris, genita a patre* comm. 9. 11. quid רודה *amita* com. 14. ומה *scelus* com. 7. quid phrasēs illæ significant בם דמיהם *cadis ipsorum causa in ipsa* cap. xx. 11. 12. 13. 16. ישא *iniquitatem suam fert* com. 17. 19. נכרתו שניהם מקרב עמם *excidentur ambo e medio populi sui* com. 18. ופסאם *peccatum suum ferunt, sine l.beris moriuntur, sive sunt.* הוא *res est exterminanda* comm. 20. 21. Quæ, fateor, non carent difficultate, ideoque a nobis in sequentibus ordine discutienda. Nominum autem אב *pater*, אם *mater*, בן *filius*, בת *filia*, & similibus, significationem prolixè tradere & exhibere supervacaneum ducimus.

CAPUT III.

Lex & Regula generalis Levit. xviii. 6. quæ omnium prohibitionum fons & fundamentum.

Expositis quibusdam terminis, ad hujus argumenti cognitionem necessariis, & visis Dissertationis partibus, ad primam, quæ divina Prohibitione absolvitur, nunc descendemus. Est autem vel *generalis* Levit. xviii. 6. vel *specialis*, quæ reliquis commatibus 7---17. exhibetur. De generali prohibitione, deque nonnullis nominibus ex Elia ben Mose Karæo, hoc capite agemus.

II. Verba legis Hebræa sunt: איש איש אל כל שאר בשרו לא תקרבו לגלות: ערוה אני יהוה: Quæ κατὰ πρόδα Romano sermone ita reddimus: *Vir vir ad omne propinquum carnis suæ ne acceditote, ad retegendum nuditatem; ego Dominus.* Subjectum est איש איש *omnis homo*, vel *unusquisque hominum*; repetitio enim universalitatis nota est, & tam fœminam, quam virum comprehendit. Unde Lxx. illud vertunt ἀνθρώπων ἀνθρώπων, & Samaritanus אנוש אנוש *homo homo*, sicut illud איש איש *vir* Gen. 11. 24. a Salvatore redditur ἀνθρώπων *homo*. Non incommode ab AbenEfra id expressum legimus, modo ad terram Canaan non restringeret איש איש כל איש ואיש ובעבור שלא הזכיר מבית ישראל